

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat

(Sulinermut ilanngaasat, akissarsiat Politiets Efterretningstjenestemik immikkut kukkunersiuinermit ilaasut aamma soraarnerussutisiaqalernissaq siunertaralugu ileqqaakkat akileraaruserneqannginnerat)

§ 1

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, ilaatigut Inatsisartut inatsisaatigut nr. 2, 26. april 2007-imeersukkut, Inatsisartut inatsisaatigut nr. 3, 30. november 2009-meersukkut, Inatsisartut inatsisaatigut nr. 10, 29. november 2013-imeersukkut, Inatsisartut inatsisaatigut nr. 7, 6. juni 2016-imeersukkut kiisalu kingullermik Inatsisartut inatsisaatigut nr. 22, 28. november 2018-imeersukkut allanngortinneqartumi uku allanngortinneqarput:

1. § 34, nr. 20-p kingorna nr. 21-tut ilanngunneqarpoq:

”21) Aningaasat Politiets Efterretningstjenestemik immikkut kukkunersiorneqartussaataasut atorlugit akissarsiaritinneqartut.”

2. § 34-tut, nr. 22-tut, ivertinneqassaaq:

”22) Avataani sulinermit tapit, utimut nuunnermit tapit aamma inissinnermi aningaasat pissarsiat, inunnit Namminersorlutik Oqartussanit naalagaaffiup avataani sulisussatut aallartinneqartunut tunniunneqartut, kiisalu aningaasarsiat allat, nunani allani sulinerup nassatarisaanik aningaasartuutaanerusunut matussutissatut tunniunneqartut.”

3. § 38-p kingorna ilanngunneqarpoq:

”Kapitali 3 a

Sulinermit ilanngaasat

4. § 38-p kingorna Kapitali 3 a-mi ilanngunneqarpoq:

” § 38 a. Sulinermit ilanngaasat qinnuteqaateqarnani inunnut imm. 2-mi pineqartunut akilerneqartarpoq.

Sulinermut ilanngaat kapitalimi matumani malittarisassat naapertorlugit naatsorsorneqartarpoq akilerneqarlunilu.

Imm. 2. Inuit uku sulinermut ilanngaateqarsinnaatitaapput:

- 1) § 1, imm. 1-2 naapertorlugit akileraartussaataasut, kiisalu marloqiusamik akileraartarnej pillugu isumaqatigiisummi aalajangersakkat malillugit naalagaaffimmi allami, Danmarkimi imaluunniit Savalimmiuni angerlarsimaffeqartutut isigineqanngitsut, aamma
- 2) § 72 a, imm. 1 imaluunniit § 72 b, imm. 1 naapertorlugit ilanngaaseeqqaarani akileraartinneqanngitsut.

§ 38 b. Sulinermut ilanngaat ukiumut akissarsiaqarfusumut ataatsimut imatut annertussuseqarpoq:

- 1) Sulinermut ilanngaat aningaasarsianut tunngaviup § 21, imm. 2 malillugu ilanngaat aalajangersimasooq ilanngullugu § 67 malillugu inummumut ilanngaatit qaangernerani 7,0 procentimik annertussuseqarpoq. Kisiannili sulinermut ilanngaatip ukiumi aningaasarsiorfusumi ataatsimi 9.800 kr. qaangersinnaanngilaa.
- 2) Sulinermut ilanngaat aningaasarsianut tunngaviup ukiumut ataatsimut 386.000 kr.-nik qaangerneranni 4,5 procentimik annikillisinneqassaaq. Kisiannili sulinermut ilanngaatip ukiumi aningaasarsiorfusumi ataatsimi 0 kr.-nik appasinnerusinnaanngilaq.

Imm. 2. Imm. 1-imi aningaasat annertussusaat aningaasarsianullu tunngaviup killingi ukiumut aningaasarsiorfusumut 2020-mut atuupput. Aningaasat annertussusaat isertitanullu tunngaviup killingi ukiumut aningaasaqarfusumut pineqartumut akit aaqqinnerannut procenti atorlugu 1. januar aaqqinneqartassapput, tak. Procenti aaqqiissutissaq aamma maannakkorpiat aningaasarsiat pillugit Inatsisartut inatsisaat.

§ 38 c. Sulinermut ilanngaammumut aningaasarsianut tunngaviit tassaapput isertitat A-t aamma B-t katillugit, aningaasat § 41, imm. 2 naapertorlugu aningaasarsianut akileraarutaasussanut ilanngunneqanngitsunut ilanngullugit.

Imm. 2. Aningaasarsianut tunngavinnut ilaapput aktiaatinit iluanaarutit Kalaallit Nunaanni ingerlatseqatigiiffinnit pissarsiat. Iluanaarutit pissarsiarineqartut iluanaarutinit akileraarutit sioqqullugit naatsorsorneqassapput.

§ 38 d. Aningaasarsianut tunngaviit naatsorsornerini ilanngunneqassanngillat tapiissutit soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 4, imm. 1-2-mi taaneqartut, kisiannili ilanngunneqassapput aalajangersakkami imm. 1, nr. 1-3-mi taaneqartut.

Imm. 2. Aningaasarsianut tunngavimmik naatsorsuinerimi aamma aningaasarsianit isertitat il.il. §§ 70 aamma 71-imi ilaasut ilanngunneqassanngillat.

Naatsorsuineq akiliinerlu

§ 38 e. Akileraartarnermut ingerlatsiviup aningaasarsianut tunngavik, tak. § 38 c-38 d, aamma sulinermut ilanngaat 1. september nallertinnagu naatsorsortassavai. Aningaasarsianut tunngavik minusimiippat, sulinermut ilanngaat 0 kr.-ussaaq. Sulinermut ilanngaatip nalinga akileraaruserinermik ingerlatsineq pillugu inatsisartut Inatsisaanni § 25 naapertorlugu akileraarutit sippuutaat akilerneqartassapput suliarineqarlutillu. Kisiannili akileraaruserinermik ingerlatsineq pillugu Inatsisartut inatsisaanni § 25, imm.

2 malillugu taarsiisoqartassanngilaq.

Imm. 2. Akileraartarnermut ingerlatsiviup sulinermut ilanngaati ukiumoortumik naatsorsornera nassiuttassavaa.

§ 38 f. Akileraartarnermut ingerlatsiviup inunnut aningaaserivimmi nalunaarsorsimasumik kontoqartunut sulinermut ilanngaati siumoortumik qaammammut ataasiarluni tunniussinnaavaa. Tunniussineq pissaaq kingusinnerpaamik isertitat A-t, akileraarutini B-nik aamma pissarsianit akileraarutini §§ 38 c-38 d-imi isertitanut tunngavigisani pineqartunut ilaasunik akiliineq pillugit paasissutissat akileraartarnermut ingerlatsivimmit tiguneqareernerisa kingorna qaammatit marluk qaangiunneranni. Qaammammut ataatsimut tunniussinnermi, ukiumi sulinermut ilanngaati tamarmiusup akileraarutitigut nalingata 1/12-ia qaangerneqarsinnaanngilaq, takuuk § 38 b, imm. 1, nr. 1, uniffik kingulleq.

Imm. 2. Inuup ukiumi isertitaqarfiusumi isertitassanut tunngavigisaanni tamarmiusuni, atugassat aningaasartaasa annertussusissai § 38 b, imm. 1-imi aalajangersagaasut qaangerneqassasut, akileraartarnermut ingerlatsiviup ilimagippagu, akileraartarnermut ingerlatsiviup siumoortumik sulinermut ilanngaati tunniutinngissinnaavaa imaluunniit tunniussassat ikilisissinnaallugit.

Imm. 3. Naalakkersuisut siumoortumik tunniussinissamut piumasaqaatit pillugit, kiisalu naatsorsuisarneq aamma sulinermut ilanngaati siumoortumik tunniunneqartarnera pillugit maleruagassanik erseqqinnerusunik aalajangersaasinnaapput.

§ 38 g. Akileraartarnermut ingerlatsivik ukiumi akileraarusiiffiusumi ulloq 1. septembari tikitsinnagu isertitanut tunngaviusut naatsorsorlugit inaarutaasumik, takuuk § 38 c-38 d, sulinermut ilanngaati aammalu 38 f malillugu sulinermut ilanngaati siumoortumik tunniunneqartut naatsorsorlugit suliarissavai. Sulinermut ilanngaati siumoortumik tunniunneqartoq, sulinermut ilanngaammit naatsorsorneqartumit annikinnerusimappat, sinneruttut tunniunneqassapput. Tunniussineq, akileraaruserinermik ingerlatsineq pillugu Inatsisartut inatsisaanni § 25-imi akileraarutit sippuutaannik tunniussisarneq pillugu maleruagassat malillugit, pissaaq. Taamaattoq akileraaruserinermik ingerlatsineq pillugu Inatsisartut inatsisaanni § 25, imm. 2 malillugu ajunngitsorsiasaqaartitsisoqassanngilaq. Siumoortumik sulinermut ilanngaati annertunaarluni tunniunneqarsimappat, aningaasartai akileraaruserinermik ingerlatsineq pillugu Inatsisartut inatsisaanni § 24-imi maleruagassat malillugit akileraarutissaat sinnerisut, akilersinneqassapput.

Imm. 2. Akileraartarnermut ingerlatsiviup ukiumi sulinermut ilanngaammut aammalu sulinermut ilanngaati siumoortumik tunniunneqartunut naatsorsukkat, ukiumoortumik nassiuttassavai.”

5. § 47 c ima oqaasertalerneqassaaq:

” **§ 47 c.** Soraarnerussutisiaqarnissaaq siunertaralugu ileqqaakkanik aningaaserivimmiittunik piginnittup aalajangersinnaavaa, aningaasat ileqqaakkat tamakkiisumik imaluunniit ilaannakortumik soraarnerussutisiaqalernissamut aningaasaateqarfinnut, aningaaserivimmit neqeroorutaasunut inissinneqassanersut. Soraarnerussutisiaqarnissamut ileqqaakkanik piginnittup kapitali manna malillugu ileqqaarnermi pigisani nalilinni, soraarnerussutisiaqalernissamut aningaasaateqarfimmut ilaanngitsuni aningaasaliisinnaanngilaq.

Imm. 2. Aningaaserivik soraarnerussutisiaqalernissamut aningaasaateqarfinnik arlalinnik

pilersitsisinnaavoq, soraarnerussutisiaqalernissamut ileqqaartunut neqeroorutigineqarsinnaasunik, taamaasillutik aningaasaataat soqutigisaat sapinngisamik pitsaanerpaamik aningaasaliissutigineqartassallutik. Taamaattumik aningaaseriviup aningaasaliinerit aarlerinaatai paasisinnaassavaat, aqussinnaassavaat, nakkutigisinnaassavaat, misissorsinnaassavaat nalunaarutigisinnaassallugillu kiisalu ingerlatseqatigiiffiup namminermit aarlerinaataani ataatsimut naliliinermit taakku eqqarsaatigisassallugit. Matuma saniatigut aningaaserivik pigisanut nalilinnut aningaasaliiffigineqartunut naleqquttumik paasisimasaqassaaq, soorlu qaqugukkulluunniit aningaasaliinernik aarlerinaatinut misissortuaannassasoq. Naggataatigut aningaaseriviup ukkatarissavaa ataatsimut pigisat nalillit qularnaatsuunerat, pitsaassusaat, akiliisinnaassusaat aamma imminut akilersinnaassusaat sullissat aningaasaataannik aningaasaliinermi.

Imm. 3. Aningaaserivik ileqqaarnermut aningaasaateqarfinnik pilersitsisinnaavoq, sullitamut neqeroorutigineqarsinnaasunik, tassani piumasaqaataavoq, aningaaserivik taannaassammat soraarnerussutisiaqalernissamut aningaasaatit sumut pigisanut nalilinnut inissinneqassanersut aalajangiisussaq. Aningaaseriviup taamaalilluni toqqissisimanartumik isumannaatsuuneq, aningaasat nalingat attatiinnarnissaat kiisalu sapinngisamik annertunerpaamik iluanaaruteqarnissaq anguniassavaa.

Imm. 4. Aningaaserivik ileqqaarnermut aningaasaateqarfinnik arlalinnik sullitanut neqerooruteqarsinnaavoq, tassani sullitat nammineq ileqqaakkatik pigisanut nalilinnut qanoq ittunut inissinneqassanersut aalajangiinissamut periarfissaqarlutik. Aningaasaateqarfiit taakku aningaasaateqarfimmit, aningaaseriviup aningaasaliinermi aalajangigaannit allaanerusumik aarlerinaateqarsinnaapput. Piumasaqaataavorli, aningaaserivik pigisanik nalilinnik imaluunniit pigisat nalillit suussusaanik arlalinnik, nioqqutissap suussusaa paasiniassallugu ajornakusoortuunngitsunik, imaluunniit nioqqutissanik aningaasanik aningaasaliissutaasunik tamakkiisumik imaluunniit ilaannakortumik annaasaqaataanissaanut aarlerinaateqartunik, nioqqutissalli suussusaanik paasiniassallugu ajornakusoortuunngitsunik toqqaassasoq.

Imm. 5. Aningaaserivik ileqqaarnermut aningaasaateqarfinnik ilusilersuinermit, sullitat toqqaanissamut kiffaanngissuseqarfigisaanni, § 47 d, imm. 1 aamma 2 malissavaa, aningaasaateqarfullu matuma saniatigut aarlerinaatinik siaruaaneq annertooq anguniassavaa.”

6. § 47 e, imm. 1, ima oqaasertalerneqassaaq:

”Soraarnerussutisiaqarnissaq siunertaralugu ileqqaakkanik piginnittoq pigisanik nalilinnik toqqorsivinniittunik, ileqqaarnermut kontumut atassuteqartunik pisisinnaallunilu tunisaqarsinnaavoq, kisiannili aningaasanik pigisanik nalilinnik tunisinikkut pissarsianik ileqqaarnermut kontumeersunik tiguisinnaanani. Aningaasat taakku aningaasaatitut uninngaannassapput imaluunniit toqqorsivimmi atasumi aningaasaliissutaqqillutik, tak. § 41, imm. 3, aamma § 46 aningaasanik ileqqaakkanik akileraarutaasussanik tigusineq, piginnittoq 60-inik ukioqalersinnagu.”

7. § 72 a, imm. 2, ima oqaasertalerneqassaaq:

” *Imm. 2.* Isertitat atorfeqartitaanermi isertinneqartut, tak. imm. 1, A-tut B-tullu isertitanut ilaapput, taamaattorli sulisitsisut soraarnerussutisianut katersivinnut inuunermilu sillimmasiinernut aaqqissuussanut akiliutai, § 39-mi, § 40-mi, § 43-mi imaluunniit kapitali 4 a-mi aalajangersakkanut ilaasut ilanngunneqassanngillat.”

8. § 88, imm. 2, oqaaseqatigiit siulliit imatut oqaasertalerneqassaaq:

”Ilunaarutininik tunniussinissamik pisassanngortitsinermilluunniit aalajangiinerup, nalunaqqusinermiluunniit nalunaarnissamut piffissaliunneqartup naanerata ulluata qaammataata tulliani kingusinnerpaamik ullut qulinganni, ingerlatseqatigiiffik Naalakkersuisut aalajangigaannik iluseq atorlugu aalajangiineq pillugu pissarsisullu pillugit paasissutissanik nalunaaruteqassaaq.”

9. § 102, ima oqaasertalerneqassaaq:

” § 102. Kinaluunniit pisortanut akileraaruteqanngitsoorumalluni piaarluneerluni mianersuaalliorujussuarlunuunniit eqqunngitsumik paasinerluutaasinnaasumilluunniit inuup akileraartussaataitaneranut apeqcutip aalajangiiffiginiarneranut atugassanik, imaluunniit akileraarusiinissap aalajangiiffigineqarneranut imaluunniit akileraarutit naatsorsornissaannut atugassanik paasissutissiisoq Kalaallit Nunaanni pinerluttulerinermik inatsit naapertorlugu pillaaumi pineqaatissinneqassaaq.”

10. § 107, ima oqaasertalerneqassaaq:

” § 107. Inuup kialuunniit § 102 unioqqutissimaguniuk, pineqaatissiisinnaanerlu Kalaallit Nunaanni pinerluttulerinermik inatsimmi maleruagassat naapertorlugit pisoqalisimappat, unioqqutitsinerlu tassaannaasimangippat inuup allap akileraaruteqanngitsoorniarnanarut ikiuussimaneq, tapiliussatut akileraarutit aningaasarsianut ilanngutinngitsuukkat akileraarutitaasa angeqatai akiligassarai. § 108, imm. 5-imit 7-imut taamatuttaaq atuutissapput.”

§ 2

Inatsisartut inatsisaat ulloq 1. januar 2020 atuutilerpoq, taamaattoq takukkit imm. 5-6.

Imm. 2. § 1, nr. 2, nr. 9 aamma nr. 10, tamanut saqqummiussinerup aqaguani atuutilissapput.

Imm. 3. § 1, nr. 7, ulloq 1. januar 2020 atuutilissaaq, ukiorlu isertitaqarfik 2020 aallarnerfigalugu atulissalluni.

Imm. 4. Sulinermut ilanngaas ukiumit aningaasarsiorfusumit 2020-mit § 1, nr. 3-4-mi aalajangersakkat malillugit siullermeerluni naatsorsorneqassaaq.

Imm. 5. Naalakkersuisut § 1, nr. 1-ip ulloq atuutilerfissaanik nalunaarusiornikkut aalajangiinissamik piginnaatinneqarput.

Imm. 6. § 1, nr. 4-ip, § 38 f-ip aamma 38 g-ip piffissaq atuutilerfissaat nalunaarummi aalajangersarnissaanut Naalakkersuisut piginnaatinneqarput. § 38 f aamma 38 g atuutileranni, § 38 e atorunnaarsinneqassaaq.

Imm. 7. Soraarnerussutisiaqalernissaq siunertaralugu ileqqaakkanik piginnittoq, Aningaasarsianik akileraarutit pillugit Inatsisartut inatsisaata nr. 12, 2. november 2006-imeersup allanngortinneqarnera pillugu Inatsisartut inatsisaani nr. 29, 28. november 2016-imeersumi § 47 c naapertorlugu pigisanik nalilinnik aningaasaliisimasooq, piffissaq qaammatit 24-t iluanni pigisat nalillit soraarnerussutisiaqarnermut aningaasaateqarfimmut, aningaaserivimmit neqeroorutigineqartumut nuussavai, pigisat nalillit aalajangersakkat soraarnerussutisiaqarnermut aningaasaateqarfimmut atuuttut naammassippagit.

Imm. 8. Pigisat nalillit, soraarnerussutisiaqarnissaq siunertaralugu ileqqaakkanik piginnittumit toqqorsivimmut ilineqartut, soraarnerussutisiaqarnermut aningaasaateqarfimmut, aningaaserivimmit

neqeroorutigineqartumut piumasaqaatinik naammassinninngitsut, uuma Inatsisartut inatsisaata
atuutilerneranit piffissaq qaammatit 24-t qaangiutsinnagit, tunineqassapput kiisalu tunisinermi pissarsiat
soraarnerussutisiaqarnermut aningaasaateqarfimmut, aningaaserivimmit neqeroorutigineqartumut
inissinneqassallutik.

Namminersorlutik Oqartussat, ulloq 2. december 2019

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut